

G V I N E A.

*Patates, Iniamos, citria insuper & aurea mala, quæ in desertis & incultis locis crescunt. Palmarum abunde est, unde vina sua extundunt. Truncus his erectior est, rectusque, cortice glabro, altitudinis XL vel L pedum, quas Æthiopes mira agilitate descendunt. Qua parte folia erumpunt, perforant arborem, ingestoque bacillo defluit humor in vascula appensa, iisdemque vina colliguntur. Primum sero lactis similis est humor, postea depromptus vini aut cerevisiæ consistentiam accipit; vim habet inebriandi, si quis bibat liberalius. Cum recentior est, dulce sapit, mora longiore acescit. Una arbor mensuras vi- ni, quas nostrate lingua *shopas* vocamus, ducentas sufficit. Fruetus botris similes sunt prægrandibus, tantique ponderis, ut vix à viro librari aelevari possint, eos botros cingunt undique & ambient uvæ complures, quantitate olivarum, durum intus habentes, lapidem pro nuce. Has à botro avellunt, & comminuant, coquunt inde, usque dum oleum innatet, quod conchis ablatum in ollas effundunt, atque hoc ipsis pro butyro est, aut olivarum oleo. Hoc ipso oleo corpora inungunt, lævitant, & sua exornant. Aves hic videoas diversi pulcherrimique coloris, pavones, psittacos, doctos humanas reddere voces. Sunt & aviculæ, quas *Perroquitiens* vocant, aliæque minoris magnitudinis aviculæ, quæ artificiosissime & mira naturæ industria nidos conficiunt, quos veluti filii hinc inde ex arboribus suspendunt, ne à serpentibus, quorum magna hic copia, lèdantur. Piscibus abundant non unius generis. Regio nostratium corporibus minus est salubris. Pluvia maxime nocet, utpote sordes vermesque in corporibus procreans, humiditate & tepore suo, ipsissimis putredinis causis. Hinc febres, diarrhææ, dysenteria, similesque morbi nascuntur.*

*Populi maritimæ.* Qui littora incolunt, artificiis mechanicis ingenium industriamq; singularem produnt. Au-

rum stupenda tractant solertia. Monetam non habent, sed auro nostratium merces redimunt, five illud purum sit, massaque solidiore constet, five in morem torquium & annulorum fabricatum, five pulveri simile, quod probissimum esse solet, & optimæ notæ. Ad manum semper habent bilancem, in qua fabis rubris nigrisque pendunt aurum. Viri plures ducunt uxores, pro facultatum opumque ratione. Nudi incedunt, solum pudenda tecti: qui aliis præstant, pallio vel stragulo corpus velant. Caput quidam pileis vimineis & junceis, alii coriaceis tegunt. Feminæ veste se tegunt ab umbilico genibus tenus. Pueri & puellæ nudæ cursitant, donec pudere per ætam incipiunt. Miscentur promiscue, usquedum matrimonio junguntur. Tunc enim nefas apud ipsis est cum aliis consuescere. Numinis exiguum in ipsis observes cognitionem. Nec minus tamen superstitionissimi sunt, sacris suis, & coniurationibus, quas *Fetisios* appellant, supra modum dediti.

Vlterius si versus Orientem progrediare, regio Benin occurrit, in qua civitas est cognominis, tantæ magnitudinis, ut longitudinem ejus à termino ad terminum acies oculorum assequi nequeat, quantumvis recta tendant plateæ. Ædes ferruminant rubro gypso vel glutine, quas contiguas habent, more nostro. Sedes hic regia est, ubi majestatem suam maximo splendore & pompa explicat, uxores alens quingentas aut sexcentas. Maris æstus circa hæc littora Orientem semper petit. Venti ut plurimum ex Occidente flant, & Austro. Ideoque facilima illic est in Orientem navigatio, in Occidentem difficillima. Ideoque naves, quæ has regiones repetere volunt, primum versus promontorium de *Lopo Gor-salves* cursum dirigunt, & inde in Austrum ultra æquatorem navigare pergunt, ut æstus illos maris contrarios, qua possunt, eludant.

